



Broj: 05/03-19-18212/23
Sarajevo, 15.05.2023. godine

Na osnovu poglavlja II tačka 7.1. Odluke o usvajanju Programa utroška sredstava tekućih i kapitalnih transfera Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo utvrđenih Budžetom Kantona Sarajevo za 2023. godinu broj: 02-04-15280-8/23 od 27.04.2023. godine, objavljuje se

JAVNI POZIV

za dostavljanje zahtjeva u svrhu realizacije projekta "Rekonstrukcija, adaptacija, sanacija, otkup i izgradnja vjerskih i kulturno-historijskih objekata"

Pozivaju se vjerske zajednice i institucije/organizacije koje upravljaju kulturno-historijskim objektima a ne finansiraju se iz Budžeta Kantona Sarajevo, da dostave Ministarstvu komunalne privrede, infrastrukture, prostornog uređenja, građenja i zaštite okoliša (u daljem tekstu: Ministarstvo), zahtjev za finansiranje projekata iz budžetske stavke "Rekonstrukcija, adaptacija, sanacija, otkup i izgradnja vjerskih i kulturno-historijskih objekata", kojom su za 2023. godinu obezbijedena sredstva u iznosu od 50.000,00 KM.

Potrebno je dostaviti Ministarstvu kandidovane projekte koji se odnose isključivo na radove na adaptaciji, sanaciji, otkupu i/ili izgradnji objekata od kulturno-historijskog značaja i objekata koji služe vjernicima za njihove vjerske potrebe u okviru vjerskih zajednica, na području Kantona Sarajevo.

Također je potrebno da ukupna cijena radova ili dijela radova, a koje je moguće izdvojiti kao cjelinu iz kandidovanog projekta, ne prelazi iznos od 10.000,00 KM sa PDV-om. Mogu se kandidovati projekti na više objekata i lokacija na području Kantona Sarajevo, s tim da ukupni iznos radova po vjerskoj zajednici ili instituciji/organizaciji koja kandiduje projekte ne prelazi navedeni iznos.

Uz zahtjev koji je poslan od strane ovlaštenih organa i lica koji imaju legitimitet ispred vjerske zajednice ili institucije/organizacije koja kandiduje projekat da potpišu sporazum sa Ministarstvom, obavezno se dostavlja i sljedeća dokumentacija:

1. predmjer i predračun radova za kandidovani projekat, odnosno ponuda od ovlaštene firme, sa jasno navedenim iznosom potrebnim za sufinansiranje i lokacijom objekta na koji se projekat odnosi;

2. izjavu da će, ukoliko im Ministarstvo dodijeli sredstva u iznosu od 10.000,00 KM, ostatak sredstava koji prelazi dodijeljeni iznos i koji je potreban za realizaciju kandidovanog projekta obezbijediti sami;
3. izjavu da će, ukoliko im Ministarstvo dodijeli sredstva u iznosu od 10.000,00 KM, dostaviti Ministarstvu Izvještaj o namjenski utrošenim sredstvima do 31.12.2023. godine, a najkasnije u roku od godinu dana od dana potpisivanja Sporazuma.
4. rješenje o upisu u registar pravnih lica kod nadležnog organa;
5. potvrdu o transakcijskom računu.

Sva dokumentacija koja se dostavlja mora biti u originalu ili ovjerenj kopiji ne starijoj od tri mjeseca.

Komisija za provođenje Javnog poziva za dostavljanje zahtjeva u svrhu realizacije projekta "Rekonstrukcija, adaptacija, sanacija, otkup i izgradnja vjerskih i kulturno-historijskih objekata" će razmotriti sve zaprimljene zahtjeve, utvrditi Prijedlog liste projekata koji su zadovoljili uvjete iz ovog poziva, te isti dostaviti Ministru koji utvrđuje Konačnu listu.

Prijave će biti odbačene i neće biti predmet daljeg razmatranja ako su:

- neblagovremene,
- ne ispunjavaju uslove ovog javnog poziva.

Zahtjeve sa potrebnom dokumentacijom dostaviti najkasnije do 15.06.2023. godine na adresu: Ministarstvo komunalne privrede, infrastrukture, prostornog uređenja, građenja i zaštite okoliša, Ulica Reisa Džemaludina Čauševića broj 1,71 000 Sarajevo, uz obaveznu naznaku "Prijava na Javni poziv za dostavljanje zahtjeva u svrhu realizacije projekta "Rekonstrukcija, adaptacija, sanacija, otkup i izgradnja vjerskih i kulturno-historijskih objekata" – NE OTVARAJ".

O rezultatima, kao i vremenu i mjestu potpisivanja sporazuma bićete naknadno obaviješteni.

NAPOMENA: Za objekte koji se nalaze pod zaštitom kao kulturna baština podnosilac zahtjeva je dužan obezbijediti saglasnost od Kantonalnog zavoda za zaštitu kulturno-historijskog i prirodnog naslijeđa Sarajevo.

